

Bosna i Hercegovina  
Federacija Bosne i Hercegovine  
**Hercegovačko-neretvanski kanton**  
**SKUPŠTINA**  
Broj: 02-02-115/23  
Mostar, 27.02.2023. godine

**IZVOD IZ ZAPISNIKA**  
**sa pete (V) redovne sjednice Skupštine**  
**Hercegovačko-neretvanskog kantona**

Sjednica je održana dana 27.02.2023. u sali Skupštine Hercegovačko-neretvanskog kantona u Mostaru sa početkom rada u 13:00 sati.

Sjednicu je otvorio Džafer Alić zamjenik predsjedavajućeg Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

**Prisutni:** Džafer Alić, Daniel Babić, Slavko Bilić, Marija Bošković, Ivana Buntić-Jovanović, Damir Džeba, Josip Grbavac, Sadina Hejub, Omer Hujdur, Salmir Kaplan, Zoran Krešić, Harun Kurtović, Nedžad Maksumić, Tomislav Martinović, Marija Matuško, Zoran Mikulić, Danijela Mišura, Kemal Muratović, Ivan Odak, Iva Raguž, Oliver Soldo, Dragica Suša, Vesna Šunjić, Mirko Vasilj, Vesna Saradžić, Ismet Lulić, Arman Zalihić i Irma Memidžan.

**Odsutni:** Zora Dujmović i Nermin Vrtić.

Konstatovano je da je na sjednici prisutno **28** poslanika, te da postoji kvorum za rad i punovažno odlučivanje.

**Prisutni po pozivu:** predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Obavljeno je glasanje o Izvodima iz zapisnika sa 2., 3., i 4. redovne sjednice Skupštine HNK.

Nakon glasanja konstatovano je da su jednoglasno usvojeni i zapisnici sa 2., 3., i 4. redovne sjednice Skupštine HNK.

Zamjenik predsjedavajućeg Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine, uz nadopunu dnevnog reda sa tačkom 6. Zaključak o rukovođenju Skupštine HNK.

Otvorena je rasprava po prijedlogu dnevnog reda.

U raspravi su učestvovali: Ismet Lulić i Džafer Alić.

Obavljeno je glasanje o prijedlogu dnevnog reda pete (V) redovne sjednice Skupštine HNK.

Većinom glasova „Za“, uz 4 „Suzdržana“ glasa usvojen je dnevni red pete (V) redovne sjednice Skupštine HNK.

Usvojeni Dnevni red:

1. Poslanička pitanja;
2. Nacrt Zakona o socijalnoj zaštiti HNK;
3. Mišljenje na Nacrt Zakona o zaštiti civilnih žrtava rata u F BiH;
4. Odluka o usvajanju Izvještaja Ministarstva pravosuđa, uprave i lokalne samouprave o izvršenju sankcija u HNK iz člana 1. Zakona o izvršenju sankcija u HNK za 2021. godinu;
5. Odluka o usvajanju Informacije o realizaciji potpisanih ugovora o koncesijama iz oblasti vodoprivrede zaključno sa 31.12.2021. godine;
6. Zaključak o rukovođenju Skupštinom.

## 1. Poslanička pitanja

**OMER HUJDUR:**

**Poslanička inicijativa 1:**

Tražim da se za sve osobe sa invaliditetom na području HNK/K, koji imaju stepen invalidnosti 90% i više, obezbjede besplatna električna invalidska kolica, čime bi pomogli ovoj kategoriji stanovništva i njihova prava izjednačili sa pravima koja ima ova kategorija stanovništva u drugim kantonima. S obzirom da nemamo veliki broj osoba sa ovim stepenom invaliditeta i da su svi ostali kantoni obezbjedili sredstva za ovu namjenu, smatram našom obavezom da i mi uradimo isto.

**Poslanička inicijativa 2:**

Rekonstrukcija krova i izrada termo fasade područne škole Podorašac Konjic.

**Poslaničko pitanje 1:**

Da li postoji fond za isplatu šteta nastalih uslijed vremenskih nepogoda stanovnicima HNK-a i koji je način da građani koji su oštećeni dođu do nadoknade te štete?

**Poslaničko pitanje 2:**

Da li je Vlada HNK-a išta poduzela i dali išta planira poduzimati po pitanju povratnika Bošnjaka u Rabranima vezano za izgradnju munare u sklopu džamije i asfaltiranja pristupnog puta koji vodi do sela, a koje im opštinske vlasti osporavaju i onemogućuju?

**ISMET LULIĆ:**

**Poslanička inicijativa upućena Zavodu zdravstvenog osiguranja HNK:**

Upućujem inicijativu prema Zavodu zdravstvenog osiguranja HNK-a, da se odluka od 02.02.2023. godine poslana zdravstvenim ustanovama u HNK-a u vezi slanja primanja i zakazivanja pregleda u zdravstvenim ustanovama stavi van snage.

**Poslaničko pitanje upućeno Ministarstvu obrazovanja, nauke, kulture i sporta HNK:**

Da li je i kada Ministarstvo obrazovanja, nauke, kulture i sporta HNK-a izvršilo nadzor nad radom visokoškolskih ustanova u HNK-a, kojih visokoškolskih ustanova i dali su pri tome utvrđene nezakonitosti i nepravilnosti?

**DANIEL BABIĆ:**

**Poslanička inicijativa upućena je Ministarstvu obrazovanja, nauke, kulture i sporta HNK:** Prema podacima do kojih sam uspio doći, a to su podaci UNICEF-a BiH-a za 2022. godinu, trenutno u našoj županiji imamo 263 djece sa poteškoćama, odnosno

invaliditetom, a koji pohađaju nastavu u redovnim školama. Sva ta djeca rade po prilagođenom ili individualnom nastavnom planu i programu i trebaju pomoć asistenata, odnosno pomoćnika u nastavi. Koliko smo do sada informirani, znači Vlada naše županije je u proteklom razdoblju kroz proračun izdvajala značajna financijska sredstva za asistente u nastavi, a prema mojim dostupnim informacijama, jedan dio općina i gradova kroz svoje proračune je također financirao asistente u nastavi. E sad kroz razgovor znači sa roditeljima i ravnateljima obrazovnih institucija, u prvom redu znači iz Stoca, a i samih asistenata iz Stoca, isti nisu zadovoljni iznosom plaće za posao koji rade, možda da ne pogriješim, tiče se nekih 500 KM koje županija financira, a pojedine općine i gradovi su izdvajali veća sredstva za plaće asistenata u nastavi. E sad iz tog razloga dolazimo u situaciju, da asistenti u nastavi nisu jednako plaćeni za posao koji rade i jedan dio njih napušta posao asistenta i odlaze na bolje plaćena radna mjesta, a to u konačnici rezultira da djeca tijekom godine često i mijenjaju asistente. I također kroz razgovor sa roditeljima i ravnateljima je primijećeno, da veliki broj asistenata je bez bilo kakve edukacije, a vezane za rad sa djecom sa invaliditetom. Učestalo mijenjanje asistenta stoga nije dobar način pružanja podrške, a posebno za neke kategorije djece koja imaju teškoće prilagodbe na pojedine osobe. Isto tako kroz razgovor sa ravnateljima predškolskih ustanova je uočeno, da kroz dječje vrtiće isto tako nisu regulirani, nije reguliran status takvih asistenata, odnosno čak pojedine predškolske ustanove takve asistente i nemaju. Iz prednjeg je jasno vidljivo, da asistencija u nastavi u našoj županiji nije sustavno riješena i da je potrebno jasno definirati znači tko može biti asistent u nastavi, koje uvjete mora ispunjavati, kako riješiti njihov radno-pravni status, tko će snositi troškove plaća asistenata, itd. I s obzirom na prednje upućujem pitanje Ministarstvu obrazovanja, nauke, kulture i športa HNŽ-a, prvo dali naša županija ima pravilnik, koliko sam ja informiram nema, ako nema da se do početka nove školske godine isti donese, a na obostrano zadovoljstvo znači i ravnatelja i asistenata u nastavi, a i djece koja rade po prilagođenom i individualnom nastavnom planu i programu?

**MIRKO VASILJ:**

**Poslaničko pitanje br.1 upućeno Slađanu Bevandi, ministru unutrašnjih poslova u Vladi HNK:**

Je li u vašem mandatu ikada rađen godišnji sistematski pregled za sve djelatnike MUP-a HNŽ-a, ako jeste, kad je rađen, a ako nije, zašto nije?

**Poslaničko pitanje br.2 Suadu Hasandediću, ministru graditeljstva i prostornog uređenja u Vladi HNK:**

Zašto je vaše ministarstvo više od 50 dana odugovlačilo odgovor Udruženja građana za Doljniku Jablanica na prijavu nezakonitih radnji u vezi izgradnje mini hidroelektrane Zlati u Jablanici te zašto je isti poslan u formi obavijesti dana 03.06.2019.? Također zašto ovo ministarstvo ne poštuje i ne sprovodi sudski presude Županijskog suda u Mostaru koje su nakon toga uslijedile? Također ću moliti odgovor u pisanoj formi.

**Poslanička inicijativa br.1 upućena predsjedniku Vlade HNK:**

Inicijativa za žurno reguliranje vodoopskrbnog sustava grada Stoca, točnije južnog dijela grada, od crkve u Stocu do ulaza u Neum.

**Poslanička inicijativa br.2 upućena Ministarstvu unutarnjih poslova HNK:**

Inicijativa da se donese odluka o obveznom godišnjem sistematskom pregledu djelatnika MUP-a.

**KEMAL MURATOVIĆ:**

**Poslaničko pitanje upućeno Vladi HNK:**

Iz kojeg razloga Vlada i resorno ministarstvo nije izvršilo zakonsku obavezu i opunomoćilo predstavnika za učešće u radu skupštine, na čijem dnevnom redu su bila navedena imenovanja organa upravljanja preduzećem, ko je i kada imenovao opunomoćenika državnog kapitala za skupštinu Šumarstva „Srednje-Neretvansko“ d.d. Mostar i ko su članovi organa upravljanja ovog preduzeća?

**VESNA ŠUNJIĆ:**

**Poslaničko pitanje br.1 upućeno Slađanu Bevandi, ministru unutarnjih poslova u Vladi HNK:**

Krivični zakon prepoznaje određena krivična djela iz oblasti sajber kriminala, a obzirom da je sajber kriminal u značajnom i kontinuiranom porastu voljela bih znati kako se HNK-e bori sa rastućim sajber kriminalom?

**Poslaničko pitanje br 2. upućeno Nevenku Hercegu, predsjedniku Vlade HNK:**

Molim da mi dostavite informaciju o stanju sigurnosti informacijskog sustava ministarstava HNŽ-a, koja kao minimum treba sadržavati informacije o penetracijskim testiranjima, rezultatima, skeniranju ranjivosti plana za oporavak informacijskog sustava, klasifikaciju dokumenata, popis aplikacija koje se koriste, popis vanjskih dobavljača i ostalo. Uvažavajući sve veću potrebu za digitalizacijom, povjerljivost, integritet podataka, kao i dostupnost informacijskog sustava, trebaju biti u fokusu Vlade HNK-a.

**Poslanička inicijativa br1. upućena Rašidu Hadžoviću, ministru obrazovanja, nauke, kulture i sporta u Vladi HNK:**

Pokrenuti aktivnosti kako bi se izmijenio zakon o osnovnom odgoju i obrazovanju, na način da se broj obveznih sati tjelesnog odgoja u cijeloj osnovnoj školi poveća na 3 sata tjedno i da isključivo nastavnici tjelesnog odgoja predaju tjelesni odgoj. Znači sistematski pregledi učenika u posljednje vrijeme pokazuju zabrinjavajuće trendove pretilosti, skolioze i kifoze kod učenika, a tjelovježba, znači prava tjelovježba od strane stručnih nastavnika, može značajno pomoći u prevenciji navedenih poremećaja.

**Poslanička inicijativa br2. upućena Rašidu Hadžoviću, ministru obrazovanja, nauke, kulture i sporta u Vladi HNK:**

Inicijativa se odnosi na usvajanje pravilnika o izvođenju izleta, ekskurzija i drugih odgojno-obrazovnih aktivnosti izvan škola. HNŽ-e naime nije definirala pravilnik kojim se propisuju način, uvjeti i mjere sigurnosti, prava i obveze korisnika i davatelja usluga u aktivnostima vezanim za izlete, ekskurzije i druge oblike odgojno-obrazovnih aktivnosti, uslijed čega svaka škola organizira i provodi izlete, ekskurzije i druge obrazovne aktivnosti van škola po vlastitom nahođenju. Obzirom da se ovdje radi o djeci školskog uzrasta, mahom maloljetnicima, od izuzetne je važnosti da se jasno propišu uvjeti i mjere sigurnosti, kao i prava i obveze korisnika i pružatelja usluga. Hvala.

## **2. Nacrt Zakona o socijalnoj zaštiti HNK**

Obrazloženje je dala Alma Kozo, pomoćnica ministra zdravstva, rada i socijalne skrbi HNK.

Otvorena je rasprava.

U raspravi su učestvovali: Daniel Babić, Arman Zalihić, Iva Raguž, Slavko Bilić, Harun Kurtović, Marija Bošković, Vesna Šunjić, Tomislav Martinović, Alma Kozo i Džafer Alić.

Ispred Privremene Komisije za zakonodavno-pravna pitanja obrazloženje je dao Daniel Babić:

**Na temelju člana 34. stav 1. Poslovnika o radu Skupštine HNK, Privremena komisija za zakonodavno-pravna pitanja na 2. sjednici održanoj 27.02.2023. godine razmatralo je dostavljeni Nacrt Zakona o socijalnoj skrbi HNK te nakon općeg rasprave jednoglasno usvojilo zaključak, da nacrt Zakona o socijalnoj skrbi HNK ima ustavni i zakonski osnov za donošenje i dostavljanje od strane ovlaštenog predlagatelja. Na dostavljeni nacrt zakona komisija nema primjedbi na zakonodavni postupak te se kao takav može uputiti u daljnju skupštinsku proceduru.**

Zamjenik predsjedavajućeg Skupštine HNK Džafer Alić predložio je slijedeći Zaključak:

**1) Nacrt Zakona o socijalnoj zaštiti prihvata se kao dobra osnova za izradu prijedloga zakona;**

**2) Određuje se rok od 10 dana u kojem zastupnici mogu dostaviti primjedbe i prijedloge na tekst nacрта;**

**3) Zadužuje se Ministarstvo zdravstva, rada i socijalne zaštite da organizira javnu raspravu u roku od 90 dana;**

**4) Zaključak stupa na snagu danom donošenja i objavit će se u Službenim novinama HNK-a.**

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

## **3. Mišljenje na Nacrt Zakona o zaštiti civilnih žrtava rata u F BiH**

Obrazloženje je dala Alma Kozo, pomoćnica ministra zdravstva, rada i socijalne skrbi HNK.

Otvorena je rasprava.

U raspravi nije nitko učestvovao.

Zamjenik predsjedavajućeg Skupštine HNK Džafer Alić predložio je slijedeći Zaključak:

**1) Skupština HNK-a nema primjedbi na Nacrt Zakona o zaštiti civilnih žrtava rata u F BiH;**

**2) Zaključak stupa na snagu danom donošenja i objavit će se u Službenim novinama HNK-a.**

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

#### **4. Odluka o usvajanju Izvještaja Ministarstva pravosuđa, uprave i lokalne samouprave o izvršenju sankcija u HNK iz člana 1. Zakona o izvršenju sankcija u HNK za 2021. godinu**

Obrazloženje je dao Jasmin Sultanić, pomoćnik ministra pravosuđa u Vladi HNK.

Otvorena je rasprava.

U raspravi su učestvovali: Vesna Šunjić i Jasmin Sultanić pomoćnik ministra pravosuđa u Vladi HNK.

Obavljeno je glasanje o Odluci o usvajanju Izvještaja Ministarstva pravosuđa, uprave i lokalne samouprave o izvršenju sankcija u HNK iz člana 1. Zakona o izvršenju sankcija u HNK za 2021. godinu.

Nakon glasanja konstatovano je da uz 1 glas „Protiv“ i 1 „Suzdržan“ glas, usvojena Odluka o usvajanju Izvještaja Ministarstva pravosuđa, uprave i lokalne samouprave o izvršenju sankcija u HNK iz člana 1. Zakona o izvršenju sankcija u HNK za 2021. godinu.

#### **5. Odluka o usvajanju Informacije o realizaciji potpisanih ugovora o koncesijama iz oblasti vodoprivrede zaključno sa 31.12.2021. godine**

Obrazloženje je dao Donko Jović, ministar poljoprivrede, vodoprivrede i šumarstva u Vladi HNK.

Otvorena je rasprava.

U raspravi su učestvovali. Omer Hujdur, Mirko Vasilj, Arman Zalihić, Ivan Odak, ministar Jović, Damir Džeba, Džafer Alić i Josip Grbavac.

Obavljeno je glasanje o Odluci o usvajanju Informacije o realizaciji potpisanih ugovora o koncesijama iz oblasti vodoprivrede zaključno sa 31.12.2021. godine.

Nakon glasanja konstatovano je da uz 3 glasa „Protiv“ i 4 „Suzdržana“ glasa, usvojena Odluka o usvajanju Informacije o realizaciji potpisanih ugovora o koncesijama iz oblasti vodoprivrede zaključno sa 31.12.2021. godine.

#### **6. Zaključak o rukovođenju Skupštinom HNK**

Zamjenik predsjedavajućeg Skupštine HNK Džafer Alić predložio je slijedeći Zaključak:

**Daje se ovlaštenje zamjenicima predsjedavajućeg Skupštine Hercegovačko-neretvanskog kantona da obavljaju poslove predsjedavajućeg Skupštine Hercegovačko-neretvanskog kantona.**

**Zaključak stupa na snagu danom donošenja, primjenivati će se do izbora predsjedavajućeg, a najdalje do 01.05.2023. godine i objavit će se u „Službenim novinama Hercegovačko – neretvanskog kantona“.**

Otvorena je rasprava.

U raspravi su učestvovali: Ismet Lulić i Džafer Alić.

Obavljeno je glasanje o navedenom Zaključku.

Nakon glasanja konstatovano je da je navedeni Zaključak jednoglasno usvojen.

Sjednica je završila s radom u 16:30 sati.

**ZAMJENICI PREDSEDJAVAJUĆEG**

Tomislav Martinović

\_\_\_\_\_

Džafer Alić

\_\_\_\_\_

